

შპს „ქართლის ქარის ელექტროსადგური“



შპს „ქართლის ქარის ელექტროსადგური“ –სთვის დენის მრიცხველების შესყიდვა.
(CPV-38554000)

სატენდერო დოკუმენტაცია

თბილისი

2016 წელი

ინსტრუქცია ტენდერში მონაწილეთათვის

1. სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.
2. ელექტრონულ შესყიდვებში მონაწილეობის ინსტრუქტაჟი დეტალურად ასახულია 'სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელოში, რომელიც შეგიძლიათ იხილოთ შემდეგ მისამართზე:
3. ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას დედანის სახით (ასლის შემთხვევაში ნოტარიულად დამოწმებული ასლი) ქართულ ენაზე.
4. დოკუმენტების ან/და ინფორმაციის უცხო ენაზე წარმოდგენის შემთხვევაში მათ უნდა დაერთოთ ნოტარიულად დამოწმებული ქართული თარგმან(ებ)ი.
5. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანებს შორის, პრიორიტეტის მინიჭების საკითხს წყვეტს სატენდერო კომისია.
6. პრედენდენტს არა აქვს უფლება წარმოადგინოს ალტერნატიული წინადადება.
7. დამატებითი ინფორმაცია შესაძლებელია მიიღოთ შემდეგ პირთან: თორნიკე ყაზარაშვილი ტელ: 2 18 11 31.

1. **შესყიდვის ობიექტი** - 9 ცალი დენის მრიცხველის შესყიდვა ტრანსპორტირებით (საჭიროების შემთხვევაში, განბაჟების ხარჯების და სხვა საბაჟო მოსაკრებლების ჩათვლით) საჭირო კონფიგურაციით და პროგრამირებით. იხილეთ დანართი #1 (ტექნიკური სპეციფიკაცია).
2. **მიწოდების შესრულების ვადა:** დენის მრიცხველების მიწოდება უნდა მოხდეს ხელშეკრულების გაფორმებიდან 14 კალენდარული დღის განმავლობაში, ხოლო კონფიგურირება და პროგრამირება შემსყიდველის მხრიდან შესაბამისი მოთხოვნის გაგზავნიდან 7 კალენდარული დღის განმავლობაში.
3. **მიწოდების ადგილი:** დენის მრიცხველების მიწოდების და კონფიგურაცია/პროგრამირების ადგილია გორის და ქარელის მუნიციპალიტეტების ტერიტორია, გორის ტელერადიო ანძის მიმდებარედ, მისამართი: ქარის ელექტროსადგურის ქ. N1
4. **საგარანტიო პირობები და ვადები:**

საგარანტიო პერიოდში მიმწოდებელი ვალდებულია წუნდებული საქონლის (მათ შორის თანმდევი მომსახურების, ტრანსპორტირების და ა.შ) შეცვლა ან შეკეთება განხორციელდეს შემსყიდველის მიერ წერილობითი მოთხოვნიდან არაუმეტეს 5 (ხუთი) სამუშაო დღის ვადაში.

საგარანტიო ვადა და პირობები განსაზღვრულია დანართი N1-ის შესაბამისად. გარანტია არ ვრცელდება თუ დაზიანება გამოწვეულია დაუძლეველი ძალის ზეგავლენით ან სხვა დამოუკიდებელი მიზეზებით.

5. **ანგარიშსწორების პირობები**

ანგარიშსწორება მოხდება უნაღდო ანგარისწორებით ლარში.

ანგარიშსწორება მოხდება ეტაპობრივად, შესრულებულ სამუშაოზე მიღება-ჩაბარების აქტის და მიმწოდებლის მიერ საგადასახადო ანგარიშფაქტურის წარმოდგენიდან **10 (ათი)** კალენდარული დღის განმავლობაში.

შემსყიდველი იტოვებს უფლებას სრულად არ შეისყიდოს სატენდერო დოკუმენტაციით განსაზღვრული საქონლის რაოდენობა, ანუ შეისყიდოს ნაკლები რაოდენობით და ამით მას არ დაეკისრება არანაირი პასუხისმგებლობა.

6. სატენდერო წინადადების ფასი სისტემაში მითითებული უნდა იქნეს დღგ-ს ჩათვლით.
7. ავანსის მოთხოვნის შემთხვევაში, პრეტენდენტმა უნდა წარმოადგინოს შესაბამისი საბანკო გარანტია, მაგრამ არა უმეტეს საქონლიების საერთო ღირებულების 20 (ოცი) პროცენტისა. საბანკო გარანტიის ვადა მინიმუმ 30 დღით უნდა აღემატებოდეს სამუშაოს შესრულების ვადას.
8. **დაფინანსების წყარო** - საკუთარი სახსრები.
9. **ხელშეკრულების შესრულების უზრუნველყოფის საბანკო გარანტია** - არ გამოიყენება.

სატენდერო დოკუმენტაციის შესახებ დამატებითი ინფორმაცია:

1. აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.
2. ელექტრონულ სისტემაში ატვირთული პრეტენდენტის წინადადება უნდა შეიცავდეს შემდეგ დოკუმენტებსა და ინფორმაციას:
 1. თანხმობა ტექნიკურ სპეციფიკაციებზე და პირობებზე **(დანართი #1)**
 2. ფასთა ცხრილი **(დანართი # 2)**
 3. ინფორმაცია ანალოგიური საქონლის მიწოდების შესახებ **(დანართი #3)**
 4. პრეტენდენტის რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები. **(დანართი #4).**
 5. **თანხმობა საგარანტიო ვადის შესახებ.**
 6. **ინფორმაცია ავანსის მოთხოვნის შესახებ.**
3. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურები განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით მე-6 მუხლის შესაბამისად.
4. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.
 1. ყველა სავალდებულო დოკუმენტაცია წარმოდგენილი უნდა იყოს ქართულ ენაზე.
 2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
 3. ალტერნატიული სატენდერო წინადადება არ განიხილება.

დენის მრიცხველის ტექნიკური სპეციფიკაცია		
1.	უნდა გააჩნდეს ნომინალური ძაბვის ორი დიაპაზონი. დიაპაზონის ამორჩევა უნდა ხერხდებოდეს პროგრამირების საშუალებით.	3x57/100ვ 3x240/415ვ
2.	მუშა ძაბვა	პროგრამირების საშუალებით დიაპაზონში 3x57/100ვ -დან 3x240/415ვ - მდე
3.	ჩართვის სქემა	ორ ელემენტისანი სამსადენიანი, სამ ელემენტისანი ოთხსადენიანი, პროგრამულად ამორჩევის საშუალებით
4.	ნომინალური დენი	5 ა
5.	მაქსიმალური დენი	არა უმეტეს 10ა ტრასფორმატორული ჩართვით და 120ა პირდაპირი ჩართვის შემთხვევაში
6.	სიზუსტის კლასი აქტიური ენერგიისათვის	0,5 (IEC 60687)
7.	სიზუსტის კლასი რეაქტიული ენერგიისათვის	არა ნაკლებ 2.0 (IEC 1268)
8.	ნომინალური სიხშირე	50 ჰც
9.	მგრძნობიარობის ზღვარი	არა უმეტეს I _{min} =3,5 მა
10.	სამუშაო ტემპერატურების დიაპაზონი	-40... + 70°C
11.	მრიცხველის შემოწმებათა შორის პერიოდი	არა უმეტეს 6 წელი
12.	გასაზომი პარამეტრები	აქტიური, რეაქტიული და სრული ენერგია ერთ ან ორივე მიმართულებით; მყისიერი მინიმალური, მაქსიმალური და საშუალო კვადრატული მნიშვნელობები სიხშირის, ფაზური ძაბვების და დენების, გამზომი არხების მაქსიმალური რაოდენობა: 10 ენერგიისათვის და 10 სიმძლავრისათვის. მეორადი წრედების და ძაბვის ხარისხის მონიტორინგის საშუალება.

13.	OBIS სტანდარტთან შესაბამისად შესაძლებლობა მრიცხველის პროგრამირების და დისპლეიდან მონაცემების კითხვის	აუცილებლად უნდა გააჩნდეს
14.	ელექტროენერგიის აღრიცხვის შესაძლებლობა რომელიმე ფაზის დაკარგვის შემთხვევაში	აუცილებლად უნდა გააჩნდეს
15.	გააჩნდეს საშუალება ერთფაზა წრედში ელექტროენერგიის აღრიცხვის	აუცილებლად უნდა გააჩნდეს
16.	ჩაშენებული ტაიმერის არსებობა სარეზერვო შიდა კვებით, რომელის მუშაობის ხანგრძლივობა იქნება:	არანაკლებ შემოწმებათა შორის ინტერვალზე
17.	ანათვის ვიზუალურად აღების შესაძლებლობა	აუცილებლად უნდა გააჩნდეს
18.	სარეგისტრაციო ელექტრონულ ჟურნალში მრიცხველის ჩართვის/გამორთვის ფიქსირება	აუცილებლად უნდა გააჩნდეს
19.	სარეგისტრაციო ელექტრონულ ჟურნალში მრიცხველის მუშაობაში როგორც პროგრამულ ისე აპარატურულ დონეზე არასანქცირებული ჩარევის ფიქსირება	აუცილებლად უნდა გააჩნდეს
20.	საგარანტიო პერიოდი - 18 თვე მრიცხველის სასიცოცხლო ციკლი - 25 წელი <u>დენის მრიცხველის ტიპი რეგისტრირებული უნდა იყოს დაკანონებულ გაზომვათა საშუალებებების სახელმწიფო რეესტრში.</u> <u>დენის მრიცხველი აღიარებული უნდა იყოს სს “საქართველოს სახელმწიფო ელექტროსისტემის” მიერ კომერციული გაზომვისთვის.</u>	

ფასთა ცხრილი

N	დასახელება	რაოდ-ბა	ერთ.დირებ ულეზა	სულ ჯამური დირებულ ეზა	ტექ. მაზასიათებლები	მწარმოებელ ი კომპანია, ქვეყანა, მოდელი	მიწოდების ვადა	საგარანტიო პერიოდი
1	დენის მრიცხველი	9 ცალი						
2	პროგრამირება/კონფიგურირება	9-ჯერ						

შენიშვნა:

შემსყიდველი იტოვებს უფლებას სრულად არ შეისყიდოს სატენდერო დოკუმენტაციით განსაზღვრული საქონლის რაოდენობა, ანუ შეისყიდოს ნაკლები რაოდენობით და ამით მას არ დაეკისრება არანაირი პასუხისმგებლობა.

პრეტენდენტის ხელმოწერა: ----- ბ.ა

ინფორმაცია ანალოგიური საქონლის გაწევის შესახებ

N	დამკვეთის დასახელება	საქონლის დასახელება	საქონლის გაწევის პერიოდი	გაწეული საქონლის ღირებულება	შენიშვნა
1					
2					
...					

მინიმალური მოთხოვნა:

- ✓ შემსყიდველი უფლებამოსილია გადაამოწმოს წარმოდგენილი ინფორმაცია.

პრეტენდენტის ხელმოწერა: ----- ბ.ა

რეკვიზიტები

პრეტენდენტის დასახელება	
საიდენტიფიკაციო კოდი	
იურიდული მისამართი	
ფაქტობრივი მისამართი	
საკონტაქტო ტელეფონი	
ელ.ფოსტა	
ხელმძღვანელის სახელი გვარი	
მომსახურე ბანკის დასახელება, ბანკის კოდი	
ანგარიშის ნომერი	

პრეტენდენტის ხელმოწერა: ----- ბ.ა

საქონლის შესყიდვის ხელშეკრულების პროექტი

ქ. თბილისი

----- 2016 წელი

ერთის მხრივ, შპს „ქართლის ქარის ელექტროსადგური“ (შემდგომში „შემსყიდველი“),
წარმოდგენილი მისი დირექტორთა საბჭოს თავმჯდომარის ----- სახით

და

მეორეს მხრივ _____ (შემდგომში „მიმწოდებელი“), წარმოდგენილი მისი
დირექტორის _____ სახით,

შემსყიდველი და მიმწოდებელი ცალ-ცალკე მოხსენიებულნი არიან როგორც მხარე, ხოლო
ერთობლივად როგორც მხარეები;

მხარეები ვმოქმედებთ რა, სახელმწიფო შესყიდვების შესახებ საქართველოს კანონის,
სატენდერო დოკუმენტაციისა და მიმწოდებლის მიერ წარმოდგენილი სატენდერო
წინადადების საფუძველზე, გამარტივებული ელექტრონული ტენდერის ჩატარების შედეგად
ვდებთ წინამდებარე სახელმწიფო შესყიდვის ხელშეკრულებას (შემდგომში „ხელშეკრულება“)
და ვთანხმდებით შემდეგზე:

1. ხელშეკრულების საგანი

- 1.1 წინამდებარე ხელშეკრულების საგანს წარმოადგენს შემსყიდველის მიერ
მიმწოდებლისგან 9 ერთეული დენის მრიცხველის (CPV-----) (შემდგომში
„საქონელი“) შესყიდვა თანმდევი მომსახურებით, წინამდებარე ხელშეკრულების
დანართების და პირობების შესაბამისად.
- 1.2 საქონლის დასახელება, ვადები და ღირებულება მოცემულია წინამდებარე
ხელშეკრულების დანართი #1-სა (ტექნიკური სპეციფიკაცია) და დანართი #2-ში
(ფასების ცხრილი), რომელიც თან ერთვის წინამდებარე ხელშეკრულებას და
წარმოადგენს მის განუყოფელ ნაწილს.
- 1.3 მიწოდებული საქონლის სანაცვლოდ შემსყიდველი უხდის მიმწოდებელს საქონლის
ღირებულებას, წინამდებარე ხელშეკრულებით გათვალისწინებული პირობების
შესაბამისად.

2. მხარეთა უფლება-მოვალეობები

- 2.1 მიმწოდებელი ვალდებულია კეთილსინდისერად, ხარისხიანად და დროულად
შეასრულოს მასზე ამ ხელშეკრულებით დაკისრებული მოვალეობები.
- 2.2 მიმწოდებელი უფლებამოსილია, მოსთხოვოს შემსყიდველს ხელშეკრულებით
ნაკისრი ვალდებულებების დროულად და სრულად შესრულება.
- 2.3 შემსყიდველი ვალდებულია უზრუნველყოს შესაბამისი ანგარიშსწორება
ხელშეკრულებით გათვალისწინებული პირობებითა და ოდენობით.
- 2.4 შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი
ვალდებულებების დროულად და სრულად შესრულება.

3. საქონლის მიწოდების და მიღება-ჩაბარების წესი

- 3.1 მიმწოდებელი ვალდებულია მიაწოდოს შემსყიდველს წინამდებარე ხელშეკრულებით გათვალისწინებული საქონელი ხელშეკრულების გაფორმებიდან არაუმეტეს 14 (თოთხმეტი) კალენდარული დღის განმავლობაში, ხოლო თანმდევი მომსახურება, შემსყიდველის წერილობითი მოთხოვნის გაგზავნიდან 7 (შვიდი) კალენდარული დღის განმავლობაში.
- 3.2 წინამდებარე ხელშეკრულებით გათვალისწინებულ საქონელს შემსყიდველი მიმწოდებლისგან ჩაიბარებს მიღება-ჩაბარების აქტით, რომელსაც ხელს აწერენ მხარეთა მიერ შესაბამისი უფლებამოსილებით აღჭურვილი პირები.
- 3.3 შემსყიდველი უფლებამოსილია უარი განაცხადოს უხარისხო საქონლის მიღებაზე, რომელიც არ შეესაბამება წინამდებარე ხელშეკრულებით გათვალისწინებულ მოთხოვნებს.

4. საქონლის ხარისხი

- 4.1 მიმწოდებელი იღებს ვალდებულებას, რომ მოწოდებული საქონლის ხარისხი უპასუხებს ხელშეკრულებით და სატენდერო დოკუმენტაციით გათვალისწინებულ მოთხოვნებს და დააკმაყოფილებს შემსყიდველის მოთხოვნებს.
- 4.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ნორმებს.

5. ხელშეკრულების ღირებულება და ანგარიშსწორების წესი

- 5.1 წინამდებარე ხელშეკრულებით განსაზღვრული საქონლის საერთო ღირებულება შეადგენს _____ ლარს კანონმდებლობით გათვალისწინებული გადასახადების ჩათვლით. აღნიშნული ღირებულება მოიცავს მიმწოდებლის ყველა ხარჯს, რომელიც უკავშირდება საქონლის მიწოდებას და მასთან დაკავშირებულ თანმდევ მომსახურებას, მათ შორის, კანონმდებლობით გათვალისწინებულ ყველა გადასახადს.
- 5.2 ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები: ა) მიღება-ჩაბარების აქტი; ბ) საგადასახადო ანგარიშ-ფაქტურა;
- 5.3 ანგარიშსწორება მიმწოდებელთან წარმოებს 5.2 მუხლით გათვალისწინებული დოკუმენტების წარმოდგენიდან 10 (ათი) კალენდარული დღის განმავლობაში, უნაღდო ანგარიშსწორების ფორმით.

6. გარანტია, პასუხისმგებლობა და ხელშეკრულების პირობების შეუსრულებლობა

- 6.1 მიმწოდებელი იძლევა გარანტიას, რომ მის მიერ გაწეული საქონლის ხარისხი შეესაბამება წინამდებარე ხელშეკრულებით განსაზღვრულ პირობებს. საქონლის ნაკლის აღმოჩენის შემთხვევაში მიმწოდებელი ვალდებულია საკუთარი ხარჯით, დაუყოვნებლივ, არაუგვიანეს 5 სამუშაო დღისა აღმოფხვრას არსებული ნაკლი.
- 6.2 თუ მიმწოდებელი 6.1 მუხლით გათვალისწინებულ ვადაში ვერ/არ უზრუნველყოფს ნაკლის აღმოფხვრას, შემსყიდველი უფლებამოსილი იქნება დააკისროს მიმწოდებელს მისაწოდებელი საქონლის ღირებულების ოდენობის პირგასამტეხლოს გადახდა, რაც მიმწოდებელმა უნდა გადაიხადოს დაუყოვნებლივ, არაუგვიანეს შემსყიდველისგან შესაბამისი შეტყობინების მიღებიდან 3 (სამი) კალენდარული დღისა.
- 6.3 მხარეების მიერ ხელშეკრულების პირობების შეუსრულებლობა ან/და დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად. არაჯეროვანი საქონლის

მიწოდების შედეგად შემსყიდველისათვის ან/და მესამე მხარისათვის მიყენებული ზიანის ანაზღაურება ეკისრება მიმწოდებელს.

- 6.4 მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობის ან არაჯეროვანი შესრულებით მიყენებული ზიანის ანაზღაურება.
- 6.5 საქონლის შესრულების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.
- 6.6 შემსყიდველის მიერ ანგარიშსწორების ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა, ყოველ ვადაგადაცილებულ საქონლი დღეზე 0.1%-ის ოდენობით.
- 6.7 მიმწოდებლის მიერ პირგასამტეხლოს გადახდა სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. პასუხისმგებლობისგან განთავისუფლება

- 7.1 მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).
- 7.2 მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.
- 7.3 წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 7.4 მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების შესრულების კონტროლი

- 8.1 ხელშეკრულების შესრულებაზე კონტროლს შემსყიდველის მხრიდან ახორციელებს --
----- რომელიც წარმოადგენს მომსახურების მიღება-ჩაბარების აქტის ხელმოწერაზე უფლებამოსილ პირს.

9. ხელშეკრულებაში ცვლილების შეტანა

- 9.1 ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

- 9.2 დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.2.1 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 9.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 9.4 ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების მოქმედების ვადა

- 10.1 ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს _____.
- 10.2 ხელშეკრულება შეიძლება ვადამდე შეწყდეს: მხარეთა შეთანხმებით, რომელიმე მხარის მიერ წინამდებარე ხელშეკრულების პირობების განზრახ ან უხეში გაუფრთხილებლობით დარღვევისას ან/და კანონმდებლობით გათვალისწინებულ სხვა შემთხვევებში.

11. დავათა გადაწყვეტა

- 11.1 მხარეები იღებენ ყველა ზომას, რათა წინამდებარე ხელშეკრულებიდან გამომდინარე ყველა დავა ან წინააღმდეგობა გადაწყდეს ურთიერთმოლაპარაკების გზით.
- 11.2 საკითხის მოლაპარაკების საფუძველზე გადაწყვეტის შეუძლებლობის შემთხვევაში, ამ ხელშეკრულებასთან დაკავშირებით წარმოქმნილი ნებისმიერი დავა, მათ შორის: თვით ამ ხელშეკრულების არსებობის, ნამდვილობის, შეწყვეტის, ან ბათილობის საკითხი განსახილველად და გადაწყვეტილების მისაღებად გადაეცემა სასამართლოს, საქართველოს კანონმდებლობის შესაბამისად.

12. დასკვნითი დებულებები

- 12.1 წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად.
- 12.2 ხელშეკრულების ცალკეული მუხლის ან/და პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
- 12.3 წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
- 12.4 ხელშეკრულების არცერთ მხარეს არ აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

13. მხარეთა რეკვიზიტები და ხელმოწერები